

卷一百三十二

明倫彙編 家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

家範典 卷一百三十二

弘簡錄卷一百三十二

明刑部員外郎仁和弘齋邵經邦學

皇清翰林院侍講學士四世孫遠平校閱

侍從 宋四之九

李清臣 元絳

龔原

孫樸

葉濤

沈錫

謝文璣

子璣

江澥

王無咎

蔡肇

郭祥正

葉祖洽

蔡凝

俞橐

時彥

霍端友

楊嘉問

李孝壽

蒲宗孟

吳居厚

林希

父榮

溫益

陸蘊

張翥

范致虛

王襄

趙野

孫昭遠

梅執禮

程振

李璣

譚世勳

孫傳

耿南仲

聶昌

李清臣子邦直號人七歲知書經目輒誦幼即善屬文韓琦聞

其名妻以兄子登進士調邢州司戶參軍轉和川令屢薦應得
京官適奉主薛向公事未竟礙銓格判銓張揆擿使自陳謝曰
人以家保已顧捨之薄矣願待之揆離席曰君能如是未可量
也應材識兼茂科歐陽修得其文以比蘇軾治平二年試秘閣
韓維拔置第一曰荀卿氏筆力也及廷對時會霖雨災異叠見
論者類歸咎漢議清臣獨不謂然條對言天地之大譬如人之
一身腹心肺腑一有蔽塞則五官爲之不正民人生聚天地之
腹心肺腑也日月星辰天地之五官也善止天地之異者不止
其異止民之疾痛而已策入等以秘書郎簽書平江軍判官名
聲藉甚英宗召爲集賢校理同知太常理院從韓絳使陝西慶
卒亂家屬應誅清臣請配隸爲奴坐貶海州通判久之還故官
出提點京東刑獄設耳目方略名捕齊魯盜賊且盡爲韓琦作

行狀神宗讀之曰良史才也還爲兩朝國史編修撰河渠律曆
選舉諸志文直事詳人謂不減漢史同修起居注進知制誥翰
林學士拜吏部尚書元豐六年授朝奉大夫爲尚書右丞元祐
初轉左丞時方變熙豐法度清臣固爭不可罷爲資政殿學士
歷知河南永興哲宗親政拜中書侍郎紹聖元年廷試進士清
臣發策問曰今復詞賦之選而士不知勸罷常平之官而農不
加富可差可募之說雜而役法病或東或北之論異而河患滋
賜土以柔遠而羌戎之患未息弛利以便民而商賈之路不通
夫可則因否則革惟是之爲當聖人亦何取必哉策士悟其指
於是紹述之論大興國是一變范純仁去位清臣獨專中書
復青苗免役除諸路提舉官以覲相位顧蘇轍軋已擿其過以
激上怒罷逐之時已召章惇未至清臣心益覲之及惇相復與

爲異序欲籍文彥博呂公著以下三十人悉竄嶺表清臣言諸
臣皆累朝元老若從序言大駭物聽帝乃揭榜朝堂置餘人不
問鄜延金甌若主將張興戰死悖怒將盡戮官軍吏士四千餘
人清臣言果爾則異時亡將必舉軍降敵矣詔祇誅牙兵俄坐
姑子田氏外婦妄告謀反被劾以大學士知河南徙真定初蔡
確子湑上書誣罔清臣心知其誣弗之省坐奪學士徽宗立入
爲門下侍郎尋爲會布所陷出知大名卒年七十一贈金紫光
祿大夫清臣本起窮約居身儉樸蚤以詞藻受知神宗建大壘
寺築都城皆命作記其體簡重宏放自成一家居官奉法毋敢
撓以私亦能不念舊怨嘗爲舒亶姚勔所劾及亶以賊抵罪獨
申救之當紹聖議貶勔清臣請薄其罪然志在利祿謀國不公
百計欲取宰相故晚節悖謬竟不如願以死後朝議以復孟后

罪追貶武安軍節度副使再貶雷州司戶參軍

元絳字厚之其先臨川危氏唐末曾祖仔倡聚衆保鄉里爲楊氏所敗奔杭州爲錢塘人易姓曰元祖德昭仕吳越至丞相絳生而敏悟五歲能作詩登第調江寧推官攝上元令捕豪民王豹子寘下法數斷疑獄民驚以爲神范仲淹表其才知永新改知海門擢江西運判知台州大水冒城民廬蕩析絳出庫錢作室數千區令民得自占流者皆復業入爲度支判官除直集賢院爲廣東轉運使值儂智高反建潁江水若數十以待逋寇給治樓堞械器轉輸軍食以功遷工部郎中改兩浙河北轉運使召拜鹽鐵副使以天章閣待制知福州進龍圖閣直學士徙廣越荆南又爲翰林學士知開封拜三司使參知政事請老神宗命其子耆寧校書崇文院慰留之會太學虞蕃訟博士受賄事

連耆寧蔡確劾罷絳知亳州入辭改潁州明年加資政殿學士知青州過都留提舉中太一宮以太子少保致仕帝猶眷顧不衰命營第居京師絳言臣有田廬在吳乞歸鬻之以來至吳踰歲以老病卒年七十六贈太子少師諡章簡絳工于文詞爲流輩推許蕃戎書詔多出其手景靈宮作神御十一殿夜傳詔草上梁文遲明上之居官所至有威名而無特操少儀矩在翰林諂事王安石及其子弟時論鄙之

龔原字深之遂昌人少師安石取高第與葉濤沈銖俱爲國子直講安石改學校法引以自助相與盡力坐虞蕃訟受諸生茶紙三人皆免官元祐初詣訴理所得直爲國子丞太常博士言北郊合祭非理願亟正之加秘閣校理充徐王府記室時司馬光得政名與語譏切王氏原反復辨抹不少衰光歎曰王氏習

氣尚爾耶出爲兩浙運判紹聖初名拜國子司業兼侍講請以
安石新經義字說洪範傳及子雋論語孟子義刊板以傳一時
學校舉子靡然從之遷祕書少監起居舍人權工部侍郎未幾
安惇論前直講時事以集賢殿修撰出知潤州徽宗初曾布召
入爲祕書監進給事中駁蔡京除姻戚五人爲郎官論郝隨得
罪不許居京師鄧洵武不宜再入史院勸帝爲哲宗行三年喪
主議者斥其妄黜知南康軍改壽州俄用三年之制乃復修撰
知揚州還朝歷兵工二部侍郎除寶文閣待制知廬州原素與
陳瓘善瓘擊蔡京或謂原使之奪職居和州起知亳州卒年六
十七 孫楫字濟道爲人懦如不勝衣聞金禍輒忿恚不食念
有以自見不可得兀木居和州以偏師萬人築堡新塘遏絕濡
須之路楫率家僮百餘襲之鄉里從者三千餘人獲一千戶繫

累數百輜重稱是縱遣所掠州民父母妻子將歸于滁和遇金兵大至乃取道圩上騎據其衝不得前多赴水死楫麾其衆曰今日鬪死是爲義士自棄溝瀆無益也直前搏戰遂爲所獲挺劍刺其一人罵不絕口金人憐割之年二十二新塘有蔣子春者教授里中金人見其挾書人物秀整喜之欲命以官子春怒罵亦殺之

葉濤字致遠處州龍泉人進士乙科爲國子直講坐虞蕃訟免官以壻於王氏卽往從安石學爲文詞哲宗立上章自理得太學正遷博士紹聖初爲秘書正字編修神宗史進校書郎曾布薦爲起居舍人擢中書舍人撰追貶司馬光呂公著王巖叟并責呂大防劉摯蘇轍梁濤范純仁等制詞文極醜詆與安燾交善燾降學士封還書命言在元祐時嘗詆文彥博棄熙河全先

帝高世之功不宜加罪蔡京爲黨惡知九州又以訟理有過
爲范鎰所論連三黜布復引爲給事中居數月而病以龍圖閣
待制提舉崇禧觀卒沈銖字子平真州人父季長安石妹婿
領國子監事銖少從安石學登高第改審官主簿紹聖初起爲
太學博士轉秘書正字崇政殿說書講詩南山有臺至萬壽無
期以爲此太平之基立而可久之福應哲宗屢首肯之遷起居
郎兼侍講權中書舍人論吳居厚使京東時聚斂不當除戶部
尚書詔具實狀不能對罰金引疾以龍圖閣待制知宣州卒
弟錫字子昭以王安禮在爲鄂州司戶叅軍崇寧初爲講義司
檢討遇蔡京銓次元符上書人欲定罪錫以爲遠方之士未能
知朝廷好惡若槩罪之恐非敦世厲俗之道京不從除衛尉丞
歷祠部左司二員外郎提點江東刑獄知婺州入兼定嘉王

侍講進太常少卿拜兵部侍郎以徽猷閣待制知應天府徙江寧嘗按張懷素遺黨疏其誣妄由是他郡繫者皆得釋歷知海泰汝宣四州以通議大夫致仕卒贈宣奉大夫

謝文瓘字聖藻陳州人登甲科教授大名中丞黃履薦爲御史臺主簿除秘書正字考功右司二員外郎徽宗立擢起居舍人轉給事中修神宗實訓所論率是安石請擇當時太政事大黜防節其要旨而爲之說以進謂神宗能察衆多之謗任之而不貳於是朋黨消而威柄立他皆倣此遼主洪基殂遣文瓘往弔令從者變服而入坐貶秩二等崇寧元年出知濮州謫邵武軍移處州又以集英殿修撰知濟州卒子貺宣和中爲駕部員外郎知汝州欽宗時上封事十篇論事切至使金還提點京西北路刑獄金人犯汝州貺自襄陽領兵往援之戰死

王靜字仲容旌德人少從胡瑗學易已乃與王無咎同學於安石預著三經字義首傳誦之其說始行熙寧太學成分錄學政登進士調鼎州司理參軍知黟縣入爲太學正累遷國子祭酒兼定嘉二王翊善擢中書舍人爲大司成議學制不合遂以顯謨閣待制出知婺州歷潁昌改陳壽三州徙應天府提舉崇福宮卒贈宣奉大夫王無咎字補之南城人登進士爲儀真簿天台令已而棄去復調南康簿好書力學居嘗閉門與人寡合惟安石言論是從讀書不厭寒暑行役亦不暫釋至京師時安石方向用士大夫多從之游有十鄰以考經質疑者所在學者歸之去來常數百人安石薦其文行該備守道安貧諂以爲國子直講命未下而卒年四十六

蔡肇字天啓丹陽人能爲文長於歌詩初事安石深見器重又

從蘇軾游聲譽益顯第進士歷明州司戶參軍江陵推官元祐
中爲太學正通判常州召爲衛尉寺丞提舉永興路常平徽宗
時歷除戶禮二部員外郎兼國史編修張商英薦召試進起居
郎前此試三題率以宰相上馬爲候至肇援筆立就不加潤飾
商英讀之擊節拜中書舍人纔踰月以草御史辛義責詞不稱
罷爲顯謨閣待制知明州言者論其學術反覆包藏異意非議
辟雍奪職奉祠會赦復官尋卒

郭祥正字功父當塗人母夢李白而生少有詩聲梅堯臣見而
歎曰天才如此真白後身也登進士知武岡縣轉保信軍節度
判官從章惇辟爲察訪判官當安石用事時祥正奏乞天下大
計專聽一人

有異議者即當屏黜神宗覽之曰此必宰
執素親慝者出其章以示安石曰卿識郭正乎其人似可

用安石恥爲小臣所薦極口陳其無行遂以殿中丞致仕後復出通判汀州知端州棄去隱于縣青山而卒用曰功父名聞乃趨時好忍捐珠玉博礫是抱若彼醜徒何足與較

葉祖洽字敦禮邵武人熙寧初廷試對策首迎合用事大臣考官宋敏求蘇軾欲黜之呂惠卿擢爲第一釋褐簽書奉國軍判官還判登聞檢院爲國子丞至校書郎元祐初歷集賢校理職方員外禮部郎中給事趙君錫論自安石變法士習大異非崇王氏學無以得高第顧未有若祖洽之公然訕謗者出提點淮西刑獄紹聖中由左司郎中起居郎拜中書舍人給事中祖洽性狠愎專喜諛附言王珪於用立時有異論願稽合羣情決之獨斷珪遂追貶又言司馬光呂公著獲終牖下恩禮隆縟蔡確

受遺定策而貶死嶺外乞恤其孤又言使確當時稍失事幾珪
果得遂姦謀則先帝遂失正統不知今日神器孰歸臣爲朝廷
宗社明確之功正珪之罪勸沮忠邪於千萬年以此報神宗足
矣其論率類此尋坐舉王回不當出知濟州徙洪州所至以牟
利黷貨聞諂事曾布人目爲小訓狐布用事欲召大用韓忠彥
不可白爲寶文閣待制知青州未赴布竟引爲吏部侍郎布罷
出知定州徽宗怒其躁妄降集賢殿修撰提舉沖佑觀復知洪
興亳州加徽猷閣直學士卒

蔡疑字文饒開封人廷試對策揣蔡京復用言熙豐之德業足
以配天不幸繼之以元祐紹聖之繼述足以永賴不幸繼之以
靖國陛下兩下求言之詔冀以聞至言收實用也而見於元祐
之末者方且幸時變而肆姦言乘間隙而投異意詆誣先烈不

以爲疑動搖國是不以爲憚願逆處其未至而絕其原得擢第一
願所對於天下解褐卽授正字遷起居中書二舍人自布衣
至侍從纔九月前所未有也薨一意諂附蔡京敘族屬尊爲叔
父及攸修等出見薨遽自悲曰向者大誤翁乃叔祖比皆諸父
行也遂列拜之會八寶赦恩詔兩省差擇元祐黨人情輕者出
籍薨不肯書言者論其不能擴上恩意出知和州明年加顯謨
閣待制知杭州薨未第時以書謁陳瓘稱其諫疏似陸贄剛方
似狄仁傑明道似韓愈及對策持論頗異欲害瓘以滅口因其
子正彙告京不軌執送京師復召薨爲給事中又謀使石戡治
瓘幾不免語在瓘傳御史毛注言其巧言惑衆造爲讐端不報
范柔中始以上書入邪等至是得進階薨言其嘗毀神考哲宗
有弗共戴天之讐自今春黨人復官士論駭愕有致疑於紹述

者乞制其敘遷昭示好惡從之張商英作相常安民與之書激使爲善薨弟萊剽其藁示薨卽論之以搖商英薨遷翰林學士坐妄議政事罷提舉洞霄宮起知建寧方建神霄宮率先奏辦下詔褒獎召爲學士承旨禮部尚書御史言薨游太學則挾詭計以鉗諸生居侍從則挾私事以脅宰輔處門下則借國法以快私忿宜重寘諸罰遂貶單州團練副使房州安置宣和中復龍圖閣直學士再知杭州爲政喜怒徇情任刑人慘方臘亂後西北戍卒代歸人得犒絹薨禁民與爲市下其直而彊取之卒怒縱火焚州治將殺之薨踰垣走免詔奪職罷歸卒

俞卓字祇若江寧人以上舍生賜進士第一歷辟雍博士秘書正字吏部員外郎起居舍人兼定嘉二王記室擢中書舍人進給事中殿中侍御史毛注議罷增石炭場卓駁其非除顯謨門